

## 智慳攻略！ 賺取現金回贈及電子優惠券 輕鬆交電費減負擔



流動支付已成付費嘅趨勢，為咗鼓勵大家轉用電子支付交電費，中電聯絡不同支付平台，提供優惠，過去18個月已經送出咗超過350萬元回贈，今次特選嘅兩項推廣，大家可以一邊交電費、一邊賺現金回贈、電子優惠券。

### 現金回贈之選 – Mox

用Mox交中電電費，每月繳費滿\$500回贈\$100\*#，推廣期內最多用4次就賺到\$400。

大家可用Mox預設轉數日期嘅7月1日交電費，就算未收到最新的電費單，大家都可以預繳先，咁得到現金回贈機會就會大好多。

### 電子優惠券之選 – BoC Pay

用BoC Pay「一掃即付」功能掃描轉數快二維碼繳付電費，最多可享HK\$110電子優惠券\*#，當中包括HK\$50迎新獎賞，推廣期內每月每次繳費滿HK\$100，可獲HK\$20電子優惠券，連續三個月成功繳費，就獲得HK\$60優惠券。

\*優惠名額數量有限，先到先得，送完即止。

#優惠受條款及細則約束。

## 開冷氣 4個實用技巧 搞錯咗隨時慳電變咗電

夏天又到，冷氣機變咗好多人嘅屋企良伴。其實開冷氣有好多竅門嘍，你哋又知唔知呢？

### 先開風扇，再開冷氣機

1匹冷氣機運行1小時的耗電相等於風扇運行20小時，開風扇可以加快空氣流動，空間會涼得更快，咁就可以調高冷氣機溫度但又可以一樣咁涼。冷氣機溫度每調高一度，就可以節省3%能源嘍啦！

### 冷氣太勁，校細個風先？

如果驚開冷氣太凍，可以調高冷氣溫度嘅同時，校埋最高風速。咁做可以令屋企嘅溫度同濕度去返一個理想嘅狀態，而且最高風速仲可以減輕負責製冷嘅壓縮機負荷，可以慳到電。

### 冷氣又開又熄，嗰電兼易壞

行開一陣諗住順手熄冷氣，但呢個做法相當食電，而且仲好傷部機添！因為變頻冷氣係開動果吓嘅耗電量係最高，所以行開一陣唔使熄冷氣嘅，將冷氣溫度調高就得。

### 冷氣機抽濕功能其實好嗰電

唔少人可能試過貪方便，選擇開冷氣機嘅抽濕功能，但咁樣做其實相當嗰電！因為冷氣機嘅壓縮機係抽濕時都會繼續運作，非常食電。所以係咁潮濕嘅香港，都係買返部抽濕機抽濕比較實際！



「今日要喺呢個街市買晒平靚正嘅謎！」、「牛肉睇落唔夠靚，但豬肉好新鮮，轉材料得唔得呢？」

一餐飯由零開始到上枱，一啲都唔容易，如果係烹飪比賽，遇上突發事件仲要臨場應變，直頭係廚房大作戰！

今次我哋隆重介紹一個「戰場」畀大家，呢個戰場刁鑽得嚟又好有意思嘍。冇錯，就係今年暑假舉行嘅中電「全電小廚神」烹飪比賽！我哋唔單止考驗小朋友煮嘢煮到色香味俱全嘅美食，仲會考埋佢哋有冇慳家精明眼，喺買食材嘅時候諗定個食譜，同睇埋佢哋識唔識用全電爐具。用全電爐具愈叻，勝出嘅機會愈大嘍！

參賽作品最緊要係營養價值高兼係低碳烹調嘅菜式，小朋友可以盡情發揮自己嘅創意同智慧，煮出色香味俱全嘅健康菜式。最後嘅現場參賽兼勝出嘅冠軍隊伍，更會獲得超過HK\$10,000嘅禮品嘍！

無論你係入廚新手、創意料理家定係隱世小廚神，一齊嚟參加「全電小廚神」比拼高下啦！

## 中電電費單懶人包 教你睇電費單「1-2-3」



**Q** 最近我收到中電嘅電費單，有啲唔明，究竟我嘅電費係點樣計出嚟嘅呢？

**A** 電費賬單入面係有三個細項嘍，三個細項嘅金額加埋，就係你要畀嘅電費總額喇！

**1 電力費用**

根據用電度數及電費項目計算

+

**2 燃料調整費**

每月按照耗用燃料自動調整，反映燃料價格變動

+

**3 其他收費**

除以上兩項外之其他收費及回扣，如：節能回扣